



19. juni 2009

Inatsisartut suleriaasiani § 36, imm. 1 naapertorlugu, Naalakkersuisunut imaattumik apeqquteqaa-teqarpunga:

1. **Siumut ukiuni 30-ni Naalakkersuinikkut siuttuunermini atonerluinerit, kammalaatersornerit, inuiaqatigiit aningaasaataanik atonerluinerit ingerlassimagaanik oqalunneq uppersarsinnaavisiuk?**
2. **Bora Boramut naalakkersuisut angalasimaneranut week-endersimaneranullu tunngasumi kina naalakkersuisuusimasoq pineqarpa aammalu aningaasat nunatta karsianit qanoq annertutigisut week-endernermi atorneqarpat?**
3. **Oqaaseqaat Siumup Kalaallit Nunaat ajorluinnartumut inissitsissimagaa akissummik nassuiaavigineqarusuppunga, inussiarnersumik nassuiarsiuk suna tassani oqaaseqaammi pineqarnerisq?**

(Inatsisartunut ilaasortaqaq Aleqa Hammond, Siumut)

**Tunngavilersuut:**

Ippassaq 18. juni 2009 TV avisi aqputigalugu nutaarsiassat isiginnaarnerini Naalakkersuisut Siulittaasuat Kuupik Kleist Josef Motzfeldt-ilu apersorneqarput, marluullutik oqaatigaat Siumut siuttuunermini naalakkersuisut nunatta aningaasaataasa nammineq aningaasaatimittut isigalugit immikkoortissinnaanagillu atortarsimagaat. Oqaaseqaat taanna pillugu ersarissumik nassuiaateqarfigineqarnissannik qinnuteqarpunga.

Siornatigut naalakkersuisuusimasup ilassinnissutitut aningaasartuutit pillugit suliaasimasup saniatigut kina/ kikkut pineqarpat suullu inatsisit unioqqutinneqarsimappat?

Erseqqissaassummik kissaateqarpunga oqaatsit atorneqartut uppersarsaatitalerneqassammata oqartoqarmat: kammalaatersornerit, feeriarnert, atonerluinerit Siumut ingerlatarisarai ukiorpassuarni. Uppersarsaatitai aammalu nassuiaatitai kissaatingaakka.

Boa Boamut angalasarsimanerit week-endertarsimanerillu aamma eqqartorneqarput. Siumumi naalakkersuisuutitarisimasavut Boa Boamut angalasimanngisaannarput, taannalu pillugu kina pineqarpa aammalu inuiaqatigiit aningaasaataanik akilerneqartumik week-endersimaneq erseqqissumik nassuiaateqartoqarnissaanik qinnuteqarpunga.